



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacros. Concilii Tridentini Canones Et Decreta

Gallemart, Jean

Coloniæ Agrippinæ, 1621

Descriptio Tridentinæ Civitatis

urn:nbn:de:hbz:466:1-39157



DESCRPTIO TRIDENTINÆ CIVITATIS



Tridenti Ciuitas in finibus Venetiæ prouinciæ inter montes, in planitie posita est: muris uel illata lapideis, quam ex Septentrione abluit Athesis fluius, ambitus miliaris Itali. In ea uias latas & latidibus structas, domus uerò ita honorificas cernas, ut nouam, non ueterem Ciuitatem præ se ferat. Tempia satis pulchra conspicias, sed in omnibus ijs parum structuræ. Arcem habet conspicuam, ut domum auream dicas potius, & quam possint & Imperatores & Reges percommode inhabitare, à Bernardo Clesio Tridentino Præside auctam, & illustratam non multos antehac annos. Influit placidè in urbem per muros ab Oriente aquæ riuus, super quo ædificia sericea, & molæ frumentariæ multæ sunt, unde item plurimi riuu i deducuntur per medias uias, in usum & publicam commoditatem. Super Athesim, ad portam, quæ dicitur S. Laurentij, pontem habet magnificum, sed ligneum: centum & quadraginta passuum longitudinis. Montes circum se habet niuibuscum oblitos, scopulosos, inaccessos, præcipites, & ita præaltos, ut dicas, cælum summa montium cacumina contingere. Fauces habet duas, quarum altera uergit ad Septentrionem, altera uerò ducit Veronam, Planitiem admodum paruam, sed ridentem, & arboribus, & uitis mirum in modum constam, quam Athesis circum, & lambit uidequaue. Promiscua habitantibus lingua, scilicet Teutonica & Itala, sed Itali omnes etiam, eum placet, Teutonice loquuntur. Tridentum Germanorum sentina, Italarum uerò refugium est, cum quid infortunij illis occurrit. Parum fumeni, sed plurimum uini persuaue habent album & subrubeum. Per æstatem cælum temperatum est; diebus autem Canicularibus Sol apprimè feruens. Hiberno uerò tempore propter niuium & glacierum ingentes horrores uix huiusmodi regio habitari potest: neque satis sunt hominibus hypocaustra ad depellenda frigora, quæ eo tempore

Descriptio Trid. Ciuit.

tam magna sunt, vt non sinant aquas descendere in terram, sed statim venientes conuertant in niues. Et quod datur miraculo, vt putei ipsius Ciuitatis per id tempus aquis omnino careant. Boues & vacas pro mulis, asellis, & equis onerarijs habent, cum eorum plaustris tam ad res conuehendas facilibus, vt ad montium cacumina sic properent, ac si essent in planitie, à viarumque publicarum curatoribus ita iuga aprata sunt, vt vsque ad culmen accessibile quorumcunque montium ab eisdem iri possit. Nunc demum Ciuitas ista & opulenta, & clara effecta est propter Concilium, quod in ea fuit per plurimos annos & nunc viget maximè. Nam hic conuenere quinque primùm Cardinales Præsidentes, & Legati Concilij pro sanctissimo D. N. Pio IV. Pont. Opt. Max. Duo similiter Cardinales, Lotharicus & Madrutius, Patriarchæ tres, Archiepiscopi xxxiii. Episcopi cxxxv. Abbates vii. Ordinum Generales vii. cum Theologis cxlvi. & vltra sæcularibus & regularibus Ferdinandi que Cæsaris, Regis Galliarum, Hispaniarum, Portugalliarum, Hungariarum, Boëmiarum, Poloniae, Venetiarum, Septem Cantorum, Heluetiorum, Bavarie, Sabaudiarum, Florentiarum, & aliorum Principum Ecclesiasticorum Oratores.

BVLLA